



Angono Rizal News Online

July 13, 2020 · 🌐



#AngonoSiningKontraCovid19

Pandemiko at Iba pang Tula

Ni Glen A. Sales

1.Pandemiko

Inabot natin ang panahong ganito:

Na pinagmamasdan na lamang natin ang mga bilang  
ng mga nagkakasakit.

Mataas na bilang na nagsasalita sa ating mata

Nalampasan na natin ang malawakang pagsasarado ng mga hanggahan.

Ang matagal na pananatili sa bahay

Waring mahalaga ang ekonomiya kaysa sa buhay  
kaya wala ng dapat ikagulat

Inabot na natin ang panahong ito  
na isang araw ay binigla na lamang na tayo na  
ang bahala sa ating mga sarili.

Waring kanya-kanya na lamang ng tatag  
kanya-kanya na lamang ng tawag  
at malakas ang pananalig ang  
siyang mananatiling nakatindig.

2. Pamasah

I

Hanggang palengke lamang ako kuya.

Bahala na po kayo sa inyong ibabayad

Bente ang una kong maisip dahil yun ang pamasah  
ngunit dadagdagan ko na ng sampung piso

malumanay na makiusap si kuya na matamang nakatitig  
dagdagan nyo pa po gawin nyo na pong singkwenta.

II

Isang bayan lamang ang pagitan at kailangan ng pumasok

Bahala na po kayo kung magkano.

400

Taasan nyo pa.

500

700 at ihahatid ko na po kayo Ginoo sa pupuntahan niyo.

3.Epidemya

Hindii maawat ang pagkalat ng sakit

Tumataas ang bilang ng nawalan ng trabaho sa pabrika't kompanya

Waring mga ilahas na halamang sumusulpot ang samo't aring tindang pabigat din sa tiyan.

4.Tahimik

Yung mga maiingay lamang daw ang tatamaan ng bagong batas  
tatabasin ang dila.

Ang katahimikan ang kaligtasan

Paano kung ang mga tahimik ang tamaan ng tinik  
paano na sila iimik?

kung ang maiingay ay naibaon na ng buhay

5. Bilang

Ang bawat nagsasaabo ay tandaang nagkaroon ng buhay  
may saysay may salaysay

Ang bawat nagsasabo ay di lamang bilang upang matamang titigan

6. Biktima

Mahirap magsabing

namamaga ang

lalamunan

masakit ang buto at ulo

nilalagnat

inuubo at sinisipon

kahit yun pa ay sintomas ng mahigit sampung sakit

Madaling paikliin ang lahat at sabihing tinamaan ka ng Covid

7. Pagsunod

Sabi ng tagapamahala tapos na ang bakasyon at kailangan ng pumasok.

Ako lamang ay sumusunod sa atas ng nakatataas

pinasusuweldo tayo ng gobyerno kaya kailangan ng magtrabaho

Paano po at wala po akong masasakyan?

Mahaba na ang konsiderasyon.

Huwag magkumpara sa iba.

Gumawa ng paraan.

Ang paraan ko po ay di araw-araw na makakapasok



Bakit kailangan akong padalhan ng paalala  
Alam ko naman  
Basta gumawa ng paraan  
Pasalamat na lamang tayo sa Diyos at tayo'y buhay pa at malusog tayo ay sumusweldo at tayo ay may trabaho  
Maglagay na lamang ng alkohol nang madalas at ang pag-iwas ang lunas.  
Paano naman po ang layo at magagastos , hirap po talaga ang masasakyan  
Gumawa ng paraan  
Aba'y sabi ko hindi mo ba unawa utak mo ba ay nasa talampakan  
Gumawa ka nga ng paraan  
Sumusunod lamang ako sa nakatataas  
kahit po ba wala siyang puso o kalooban?

8. Loob

Sa panahong pandemiko  
Lumalabas ang kung ano ang nasa loob ng tao  
May pakikiisang loob.  
May mabuting loob  
May masamang loob  
Tupa kung tupa,  
Asong-gubat kung asong- gubat  
Anghel ay anghel  
kung demonyo ay talagang demonyo.

9. Titig

Pagmamasadan ko na lamang sa inyong mata  
Ang bibig na napakaraming ibig isiwalat  
kita roon ang pagod at gutom

10. Madali

Madali magsabing huwag lumabas  
mahirap maghanap ng malalapitan kung walang pera at pagkain


11. Tatang



Sabi ni tatang, hindi daw siya tatablan ng covid  
ang tinatamaan daw ng ganun ay sobrang linis at ingat sa katawan  
ang pinakamalupit niyang sekreto raw ay magpuyat, magbisyo ng alak at sigarilyo.  
payo na daig ang anumang aklat mediko

Siya ang kapitbahay na halos tisiko  
pabrika ng plema ang bibig at  
magigising ako sa madaling araw sa kakaibang tono.  
Ang musika ng kanyang hirap na pag-ubo. #


\*\*\*\*\*


Volume X. Issue 12. July 12-19, 2020. ISSN 2244-3851. DTI Registration No. 01987812. Editor:  
Richard R. Gappi. aRNO: Exponent of Community Journalism.





 29

8 comments 2 shares


 Like

 Comment


 Share



Most relevant ▾




Write a comment...



Glen Sales

ok lang po na ibahagi ang aking tula


Like Reply 2y



Jaquar Dexterous

Wow tagalog na po...👍👍👍👍

Like Reply 2y



Glen Sales

maraming Salamat po sa mga nagbasa

[https://www.facebook.com/permalink.php?story\\_fbid=3384291151581955&id=221752811169154](https://www.facebook.com/permalink.php?story_fbid=3384291151581955&id=221752811169154)

2/3

- 


**Rolex Concepcion**  
Sa kalitasan ng mga minamahal ang pag pirmi sa loob ng tahanan ang kailangan ,  
Lumabas na lamng kung kinakailngan .😭😭😭😭

Like Reply 2y
- 

**Glen Sales**  
ito yata ang tulak ong may pinakamaraming likes sa ARNO hahahahha maraming  
salamat po

Like Reply 2y
- 

**Glen Sales**  
maraming Salamat sa pagpapahalaga .maraming Salamat sa mga nagbasa

Like Reply 2y
- 

**Anita Mendoza Geli**  
OK lng yan mga tinuran MO. D natin akalain na sa pagsalubong natin ng 2020 itong  
mga bagay na ito ang daranasin nation. Simula't sapol pa palagi na lng napapailalim  
ang ating bansa sa mga dayuhan na ciang nagdala t nagdulot sa ating bansa ng  
kahirapan ... [See more](#)

Like Reply 2y
- 

**Flory Blanco**  
Tama lahat ang iyong tinuran kaibigan.

Ako nasa ikatlong bahagi na ng buhay, di alam kung hanggang kailan, kaya kapit  
lang sa poong may kapal, para sa pamilya, kamaganak at kaibigan🥰

Like Reply 2y Edited

